

17-8-2018

PAJINA 5


INDEPENDENTE

Imi Nia Lian, Imi Nia Liberdade

a
é
il
u
a
u
u
u

UE Kontinua Apoia MJ Iha Kapasitasaun RH

Husi: Martinha Gusmao

DILI: Uniaun Europeia (UE) kompromete atu kontinua fó apoiu ba Timor Leste (TL) liuliu Ministériu Justisa (MJ) iha kapasitasaun Rekursu Humanu (RH).

Promesa nee embaixadór Uniaun Europeia (UE) Alexandre Letao hatoo durante halao enkontru ho Ministru Justisa (MJ) Manuel Cárseres iha Ministeriu Justisa Kaikoli Dili.

Iha asuntu neebe parte rua koalía durante enkontru, programa ida mka atu tulun Ministériu Justisa nia servisu liuliu atu fó kapasitasaun instituisionalidade.

Parograma nee, sei hasae kapasidade membru polisia sientifika invetigasaun Kriminal, neebe antes nee

halo ona.

“Ita hatene katak, Uniaun Europeia mos iha programa atu ajuda Ministériu Justisa nia servisu no programa saida mak Uniaun Europeia bele fó apoiu, nune’e bele ajuda ministériu Justisa nia knaar”, dehan Ministru Justisa.

Alende ne’e, kolaia mos kona ba ajudu sira ne’ebé Uniau Europeia fó liuhuis Institutu Camoes nune’e mos ajuda ba Polisia Sientifika Investigasaun Kriminal.

Polisia Sientifika Investigasaun Kriminal alende hetan apoiu maka’as iha parte formasaun intelektual, fó mos ekipamentu ba laboratoriu.

Tanba ne’e, sira hakarak mai reforsa nafatin kooperasaun ne’ebé sira halo tiha

ona, maibé sira hakarak kooperasaun lao ba oin nafatin.

Ajudu neebe Uniaun Europeia sei oferese ba Ministeriu Justisa sei liu husi programa integradu ida ne’ebé governu halo kooperasaun liuhusi asina akordu.

Tanba ne’e, Ministru fo ona nia hanoin no ideia, depois ideia sira ne’e tau hamutuk ba koordinadór Ministru Negosiu Estranjeiru no Kooperasaun Dionisio Babo Babo, no sei apresenta karta ida ba Uniau Europeia iha fulan oin.

Ho koopersaun nee atu Uniaun Europeia fó mos sira nia assistensia tekniku ba Ministériu Justisa, Prokuradór Jerál República, Polisia Sientifika Investigasaun krimanal, no eskola judisiariu.